



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 7. Hadriani II. Legati in Francia.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. *de imaginibus, quas alii destruendas, alii adorandas esse contendebant, tam hi quam illi a veritate aberrantes. Celebratum est Constantinopoli haud diu ante nostram ætatem sine Sacræ Sedis auctoritate, atque Acta Romam, postea etiam a Papa in Franciam transmissa. Hinc, Imperatore Carolo Magno regnante, in Francia, jubente Papa, Concilium Generale habitum, in quo Concilium Græcorum rejectum, & ex Scriptura & Traditione refutatum. Ex argumentis contra illud Concilium pugnantibus amplissimum volumen conscriptum est, ab Imperatore per quosdam Episcopos Romam missum, quod ego cum vix ex pueris excessivum in Palatio legi. Satis liquet, hic sermonem esse Hincmaro de Libris Carolinis, nec quidquam de illo Concilio nisi ex his libris ad ejus notitiam pervenisse. At vero obstupescendi locus est, istud Concilium anno 787. celebratum adhuc anno 870. ab Episcopo, quo nullus in Francia doctior, vix aliquatenus cognitum fuisse.*

Sup. Lib.
XLIV.
§. 47.

§. VII.

Hadriani II. Legati in Francia.

Ann. Fuld. **870.** **Sup. n. 1.** **L**egati Hadriani Papæ & Ludovici Imperatoris primum se in Germaniam contulerunt ad Regem Ludovicum eius patrum, qui advenientes Aquisgrani in

conspectum admisit. A Papa missi ad-
 venerant Episcopi duo Cardinales Joan-
 nes & Petrus, atque alius Ecclesiæ Ro-
 manæ Presbyter, ab Imperatore autem
 Wibodus Episcopus & Bernardus Co-
 mes. Hi nomine Papæ admonebant Lu-
 dovicum Regem, ut Regnum Lotharii
 non invaderet; sed peractum erat ne-
 gotium, jamque illius regni partem pa-
 ctis acquisitam possidebat. Itaque nul-
 lam habens rationem eorum, quæ ipsi
 dicerent, aut Papa scripsisset, eos mi-
 nime moratus ad Regem Carolum di-
 misit.

Legati Regem Carolum in Monaste-
 rio S. Dionysii in Francia habuerunt, ubi
 eos in Festo ipsius Sancti nona Octobris
 inter Missæ solemnias excepit. Lectis
 Papæ Epistolis ad se & ad Episcopos re-
 gni sui datis, cum terribiles commina-
 tiones, quibus regnum Lotharii adire
 prohibebatur vidisset, haud parum of-
 fensus est; id tamen Legatorum & quo-
 rumdam procerum suorum precibus de-
 dit, ut filium suum Carlomannum e
 carcere Silvanectensi liberatum ad se vo-
 caret. Tum Legatos in civitatem Re-
 mensem præmissos ipse secutus Conven-
 tum Optimatum celebravit, quo soluto,
 Romanos dimisit. Ipse postea duos Le-
 gatos Ansegisilum Presbyterum & Abba-
 tem ad S. Michaelem, atque Laicum
 quem-

H h 3

quem-

Sæculum IX. A. C. 870. dam nomine Lotharium Romam missos dona pretiosa, Altaris velamen ex vestibus Regiis auro intexto confectum, & duas coronas gemmis fulgentibus splendidas deferre iussit.

§. VIII.

Hincmari Epistola vehemens.

*Opusc. 41.
to. 2. p. 689.*

Sup. n. 1.

Conjectura est, his Legatis Hincmarum Remensem amplissimam Epistolam, ad Papam scriptam, deferendam commississe, nempe responsum ad illam, quam Papa vigesima septima Junii ad ipsum dederat. Dicit Hincmarus, se mandatis Pontificis obtemperasse, quantum potuisset, refertque libellum a se duobus Regibus & trium regnorum Episcopis traditum, in quo reclamasset, postquam Reges Lotharii Regnum partiti fuissent. Hæc autem illius libelli summa: *Hadrianus Papa datis literis, quæ in manibus meis sunt, omnibus & singulis adjecta comminatione anathematis prohibet, ne occupent Lotharii regnum, jure hæreditatis ad Ludovicum Imperatorem devolutum; edicit, si Episcoporum aliquis in hanc rapinam consentiat, eum non pro pastore se, sed pro mercenario habiturum. Mibi sigillatim præcipit, ut Reges ceterosque ab eo consilio revocem. Attamen affertur mihi nuncium, pacta inter Reges, qui se hæredes existimant,*

ivita